

Na osnovu člana 37.Zakona o socijalnoj zaštiti, zaštiti CŽR-a i zaštite porodica sa djecom („Sl.glasnik USK-a“, br.5/00,7/01,11/04) te čl.36. stav 7. Odluke o izvršenju Budžeta Grada Cazina za 2025. godinu („Službene novine Grad Cazin“, broj 1/25 od 03.01.2025.godine) na prijedlog JU Centar za socijalni rad Cazin te pozitivnog mišljenja br.02-1-11-48/25 od 09.09.2025.godine Službe za finansije, računovodstvo i trezor Grada Cazina, Gradonačelnik
d o n o s i :

PRAVILNIK

za dodjelu jednokratne naknade za majke sa troje ili više djece sa područja Grada Cazina

Predmet: Uslovi, kriteriji, način i iznos sredstva za dodjelu naknade

POGLAVLJE I

Odjeljak A. Opći principi

Član 1.

(jednokratna naknada)

Ovim Pravilnikom utvrđuju se uslovi, kriteriji, način i iznos sredstava za dodjelu jednokratne naknade za majke sa troje ili više malodobne djece sa područja Grada Cazina (u daljnjem tekstu:naknada).

Član 2.

(Iznos sredstava)

Sredstva za dodjelu naknade utvrđena su u budžetu Grada Cazina za 2025. godinu u iznosu od 200.000,00 KM.

Visina iznosa jednokratne naknade ne može biti veća od 1.000,00 KM po korisniku.

U slučaju velikog broja zahtjeva koji ispunjavaju uslove visina jednokratne naknade određuje se proporcionalno do iznosa odobrenih sredstava u budžetu, a sve se na osnovu broja podnešenih zahtjeva koji ispunjavaju uslove.

Isplata sredstava će se vršiti u toku kalendarske godine u dva jednaka dijela

U slučaju da se javnim konkursom u potpunosti ne utroše sredstva odobrena u budžetu, JU Centar za socijalni rad Cazin može raspisati ponovni javni konkurs do iznosa sredstava odobrenih u budžetu Grada Cazina.

Odjeljak B. Uslovi i kriteriji za dodjelu pomoći

Član 3.

(Zahtjev)

Zahtjev za dodjelu jednokratne naknade mogu podnijeti majke (staratelji) koje imaju troje ili više malodobne djece te koje imaju prebivalište, odnosno boravište na području Grada Cazina. Otac djece može podnijeti zahtjev ukoliko je majka umrla ili napustila djecu.

Zahtjev za dodjelu sredstava jednokratne naknade za majke sa troje ili više djece se podnosi putem JU „Centar za socijalni rad“ Cazin a na osnovu Javnog konkursa koji će biti objavljen na web stranici JU „Centra za socijalni rad“ Cazin, na Oglasnoj ploči, na facebook stanici i u lokalnim sredstvima informisanja u trajanju od 15 dana.

Zahtjev za dodjelu jednokratne naknade sa potrebnom dokumentacijom podnosi se na propisanom obrascu kojeg utvrđuje stručni saradnik JU „Centra za socijalni rad“ Cazin.

Nakon što stručni saradnik u JU „Centar za socijalni rad“ Cazin obradi zahtjev isti sa priloženim dokumentima dostavlja direktoru JU „Centar za socijalni rad“ Cazin na potpis. O odobravanju sredstava i visini odobrenih sredstava odlučuje direktor JU „Centar za socijalni rad“ Cazin a na osnovu broja podnešenih zahtjeva i odobrenih sredstava po budžetu.

Član 4.

(Potrebna dokumentacija)

Podnosilac zahtjeva dužan je dostaviti sljedeću dokumentaciju prilikom prijave na konkurs:

1. Rodne listove sve djece (ne stariji od 3 mjeseca),
2. fotokopiju lične karte majke
3. Prijava prebivališta za majku
4. Prijava prebivališta za djecu
5. Kućnu listu
6. Ukoliko otac djece preda zahtjev-dokaz(smrtni list majke djece, Presuda o povjeri i sl.)
7. Broj tekućeg računa majke

Član 5.

(Kriteriji)

Sredstva za dodjelu jednokratne naknade odobravat će se za sljedeće:

1. Za majke sa troje ili više malodobne djece
2. Za očeve samo u slučajevima kada je majka napustila djecu ili umrla
3. Za majke koje imaju prebivalište u gradu Cazin najmanje 6 mjeseci prije podnošenja zahtjeva

POGLAVLJE II

Odjeljak A. Način dodjele pomoći

Član 6.

(Plaćanje naknade)

Sredstva za naknadu odobrena za namjene predviđene u članu 5. ovog Pravilnika uplaćivat će se na žiro – račun korisnika pomoći, majke ili oca.

Odjeljak B. Prelazne i završne odredbe

Član 7.

(Stupanje na snagu)

Prema članu 118. Statuta Grada Cazina ovaj Pravilnik stupa na snagu danom objave u „Službenim novinama Grada Cazina“, te će isti biti objavljen i na Oglasnoj ploči i službenim stranicama JU Centar za socijalni rad Cazin.

Predlagač:

JU “Centar za socijalni rad” Cazin

Direktor mr.scr.Amela Toromanović

GRADONAČELNIK:

Mr.Nermin Ogřešević

Broj: 01/11-1223/25

Dana: 04.08.2025.godine

